
Concors de novèlas del Lector del Val - Edicion 2013-14

1° Lo Lector del Val, Associacion de las Bibliotècas del Sicoval (comunitat d'aglomeracion, Sud-Èst de Tolosa), organiza son XVèn concors de novèlas, dobèrt a totis e a gratis, d'octòbre de 2013 a febrèr de 2014. Compta quatre categorias: primàri, segondàri, licèus, adults. Los tèxtes collectius son permès se fan partida de l'ensenhament d'una classa tota.

2° Lo tèxt en occitan (ongan, pel segond còp) dèu necessàriament començar amb la frasa seguenta, que serà lo tèma: *"6 h 30 del matin. Lo camion de las escobilhas sortís de las neblas. Tot va plan ! Levat que sèm pas diluns..."* La forma serà la novèla, lo genre demòra liure : fantastic, policièr, sciéncia-ficcion, istoric, romanèsc, aventura, etc... o pas brica de genre que siá. Totas la variantas de la lenga d'òc son planvengudas. A carga pel participant de passar l'incipit dins sa varianta pròpia. Un DC audiò (Disc Cotit) dels milhors tèxtes occitans serà fargat.

3° Cada candidat poirà presentar un maximom de dos tèxtes, de pas mai de sièis paginas rectò simple (a l'entorn de 30 linhas per pagina, tipe de letra classica, còs 12 o 14 maximom) format 21x29.7. Las cal dactilografadas e foliadas (levat l'originala). Cal obligatòriament un títol. Solament un tèxt per autor poirà obtenir un prèmi.

4° Los tèxtes deuran èsser mandats en 6 (categoria adult) o 4 (categoria jove) còpias de papièr, al mai tard lo 7 de febrèr de 2014, a l'adreïça seguenta : Lo Legeire del Val - 10-12 bd des genêts - 31320 Castanet-Tolzan. Se pòdon tanben pausar dins una de las 27 bibliotècas de las comunas del Sicoval fins a aquela data.

5° Lo concors es anonim. Pas de nom o de fals-nom dins lo manuscrit. Tot signe distintiu menarà a la cancelacion. Un formulari d'inscripcion junt al mandadís aurà lo nom d'ostal, lo pichon nom, l'adreïça postala, lo corrièl, l'atge, lo numèro de telefòn e, se ne vira, los ligams de l'establiment escolar e la classa del candidat. I aurà tanben un engatjament de l'autor sul caractari personal, original, e inedit de l'òbra presentada. Pas cap de fals-nom serà acceptat.

6° Los candidats s'engatjan, per la lor signatura, a garantir l'originalitat de las òbras que presentan, si que non poirián èsser acusats de plagiat o contrafaçon, e ne suportarián solets, las consequéncias. Accèptan que lors tèxtes (jos forma perfectament anonima, plan solid) sián propausats a la lectura dins l'encastre de mantunas accions publicas organizadas per l'associacion, e pòscan tanben servir d'espleitacion scientifica dins lo cas d'un encastre associatiu amb lo CNRS.

7° Una jurada presidida per l'escrivan Santiago Mendieta e compausada de bibliotecaris de l'associacion, d'ensenhaires, d'elegits, d'escrivans, de lectors e de professionals del libre, balharà, per categorias, mantun prèmis en natura (libres, abonaments ...) de prene sul luòc, e decidirà dels tèxtes d'editar.

8° Los ganhants seràn avisats per corrièr individual. La remesa dels prèmis se debanarà lo dissabte 24 de mai de 2014 a la mediatèca de Belberaud, e la remesa dels recuèlhs de novèlas als autors es prevista per octobre de 2014, a Diagora-Labège.

9° En cas d'edicion, los candidats primats accèptan, sens cap de resèrva, que lo lor tèxt siá publicat o registrat, per talhons o entièr, papièr e Internet, sens dreches d'autor. Accèptan tanben qu'un autre usatge que siá, a mira non lucrativa, tal coma las bibliotècas publicas o utilisacion pedagogica. Gardan per contre lo drech de far tornar servir lor tèxt (reedicion, etc..) amb la resèrva de mencionar lo prèmi del Lector del Val.

10° La participacion al concors implica l'acceptacion totala sens resèrva d'aquel reglament. Los organizators se resèrvan lo drech de modificar o de cancela se de circonstàncias extèrnas lo necessitava. La jurada se resèrva lo drech de decernir pas cap de prèmi se jutja que la valor dels tèxtes propausats es insufisenta.